

道光六年重修

中州貢紉菴纂輯

太原縣志

本署藏板


太原縣志序

志書之作昉於周禮職方所掌所以紀疆域治土人民風俗之要以資宰是邦者考文徵獻而佐治之非徒以資博覽也昔紫陽朱子名世大儒歷官所至常喜問其志書而考

太原縣志

序

求之亦以紀載所存足資治術不特侈文辭備故事而已自後世蒞政者往往視沐急務於是因任陋畧者有之簡牘廢置或數十年至於百年鮮有起而修之者入其邑者欲覽而莫由任史職者將采焉而弗得



其亦重可惜矣甲申之秋負君九畹
未宰茲邑恂二有儒吏風其所以
養士治民者以次就理繼以纂輯
邑志為先務稿成質余統觀之紀
載并二詳畧患當其於疆域物土
人民風俗各大端既已犁然具備

太原縣志

序

二

而於沿革人物二門尤加意致正搜
羅毋失自雍正年間以迄於今幾
閱百年又復瞭如指掌其深有合
於朱子之遺意歟將見興利除弊
正已率民均徭後振廢墜旌別泝
德彰善瘁惡皆次徵諸實事而

與前誌之循良後先輝映也余故樂
為之序

道光六年歲次丙戌天中後一日山西
冀寧觀察使者長白嵩齡并書



太原縣志

序

太原縣志序

余生平喜讀地志凡宦遊所至
於郡邑志書靡不究覽大約近
世之修志者率有三病一在詳
於古而畧於今夫疆域沿革山
川脈絡地理專家具有成書修

志者述其大畧足矣而必繁徵
博引過求詳密是為書欽病一
一在詳於文而畧於事夫古今
名篇人所習見且各有專集豈
憂放失至近世諛墓之文佞佛
之作舉國風教徒禍東梨若夫

流連風景之詩模範山水之記
擇其尤者以著風雅可耳乃或
不能割愛連篇累牘每一志中
藝文輒居其半是為文錄病二
一在詳於採摭而畧於勸箴夫
古今怪之奇之之事何地蔑有

亦擇其有闕風化者耳而嗜奇
好博之士窮搜極訪上考荒忽
不經之文近求怪誕無稽之錄
甚至街談巷議鄙聞瑣事無不
收入此傳奇小說之類耳病三
是三者余嘗厭苦之而莫能是

止也切菴負君宰太原之二年中
舊志而重修之書成緘以示余
余觀其書於前所言三病雖未
能決然廓清而簡當不煩差為
清省其於賦役水利風俗物產
言之頗詳惻々乎有恤民之意

為持此以為邑宰後古循吏不
難也余故樂為序之而且欲與
負君共勉焉以斯吏治之有成
也

道光六年歲次丙戌五月朔知

太原府事穆彰阿序

太原縣志序

太原縣古晉陽地也漢晉為
大郡唐高祖創業於茲因建
為北都而後唐晉漢皆於此
興焉曰太原曰晉陽曰龍山
皆此地也宋太平興國中始

廢其城而遷其民於唐明鎮
則今之會城是也既又建城
於汾水東而易其名曰平晉
縣則今之舊縣村是也明洪
武中始廢平晉縣而仍建城
於晉陽則今之太原縣是也

然其城僅古晉陽城之一隅
而疆域亦因之隘焉晉陽古
多偉人其載之史冊者有曰
太原人則或以望著或以郡
稱不必皆太原縣人而太原
縣人亦與焉有曰太原晉陽

人或專言晉陽人則為今之
太原縣無疑也甲申之秋余
承乏新邑取縣志觀之其於
建置沿革則語焉而不詳於
列代人物尤為簡畧且自雍
正九年以後未之續修余心

欽馬河以語學博楊君寔軒
楊君以余言為然適邑紳士
等公議有重修縣志之舉請
於余余即以稿屬楊君數月
而稿成其考辨頗詳採摭亦
富至於訪究近事去取謹嚴

則邑孝廉奉三閭君之力屋
多於是余向所欵然者今快
然矣乃詳為釐定付之剞劂
昔人以事增文省為新唐書
之善而或譏其文省而事或
晦今此志其事則增於昔其

文亦倍於前考古証今觀者
或有取於此若乃文義高簡
如康對山之志武功體例精
嚴如陸稼書之志靈壽則余
與諸君皆不能無愧焉

道光六年歲次丙戌三月朔

太原縣志

序

十

知太原縣事闕鄉貢佩蘭序



太原縣志原序

余少時讀史至趙襄子走晉陽卒脫於難乃豁然信曰果哉尹鐸保障之功有明徵矣邇歲被命刺太原太原古晉陽郡也使余慄慄以懼辛壬間黠胡內寇至軼是郡而南瘡痍之民盜命於鋒刃間以供荷戈征輸之役越數歲滋繁是國家汪濊寬仁之澤不能不奪於繭絲者矣比至郡急欲得志而觀之以見土產之豐約賦役之增損戶口之登耗風俗之媿惡亦將妄有覲焉乃聞志就殘逸督學鄭公方事采輯未克卽工旣而余有事晉祠距太原邑治數里許見廢臺頽垣故址依然莫知爲何及道中見邑大夫

太原縣志

卷之一

序

一

高公題匾始知古晉陽乃於斯在因歎曰斯其產蛙弗畔之地耶夫今流亾者何衆也立馬荒蕪悄然以悲今年春高公修邑志成緘以示余展閱之爲卷六爲目四十有九考古昭今發幽剖疑陳常以備經紀異以徵變論議本於折衷藻績生於據實其間往事遺跡可當郡故者爲多不但土產賦役之類可得其概而已蓋公抱負奇偉以誣早歸屢勤薦者之疏故出此緒餘亦足垂後其視余竊郡符不能舉郡志者不可以評才力哉夫纂言以傳永外史之職也據志以平政有司之責也余不能寬繭絲之憂又不

能卽引去乃辱公以志序見委顧瓦礫奚可以冠珠玉哉

以自述焉耳矣嘉靖辛亥春三月望太原府知府汝甫
祉序

續修太原縣志原序

志故史一體也自非博物君子老於典故素稱良史才者
鮮能勝其任而愉快其文辭置勿論論其大者約有兩端
載記或誇誣而無當或寡文而多佚評隲或信耳而失真
或徇意而鮮公操是心也何以志爲太原故有志創自邑
大參高公汝行迄於今七十有七年舛錯漫滅幾不可別
識而且歲移勢異物換人非執曩策以考今時不勝忤矣
余報政之三年有慨於中欲重修之以竊附續貂之意又

太原縣志

卷之一

序

二

自揣固陋渺聞或有違於君子於是謀諸學博魯孝廉誠
言譚君邑孝廉鼎亨石君博士弟子員則段生光潤孫生
可奇郭生嘉祥王生與爵段生棟李生縷年王生爾貞石
生之麟段生楷王生杠商確參訂共襄厥役於是訛者正
之缺者補之羣策羣力不一月而告成事將以付剞劂余
因而卒業焉見其博而當藻而精文質而事核卽古良史
才何以加焉所謂博物君子者非與余因是而重有感矣
尙書春秋聖人之史也檀弓左傳賢人之史也史記西漢
書才人之史也志如三國則小人之史矣謂其是非大謬
於聖人私好惡而過褒貶無君子之心也夫無君子之

事而妄自附於君子之筆舌千古而下相傳之口在卽
朽之志在志且不可憑而況乎其不志也十步之澤必有
芳草太原壤地雖褊小將爲君子焉將爲小人焉讀斯志
也念之哉天啟丙寅仲夏之吉知太原縣事關中屈鍾嶽
撰

重修太原縣志原序

昨歲余任嵐邑嫌其志荒且陋公餘討論參訂甫有成書
會奉 命調太原太原名勝地士大夫多博物君子宰亦
代有偉人度其邑乘記載必成淵海鉅觀旣下車急欲得
志寓目焉孰意 熙朝成憲猶然故國藏書敘次舛錯字

太原縣志

卷之一 序

三

跡摩挲是亦嵐之志也自明季迄今百餘年間官師林立
從未有過而問焉者竊思邑之有志猶國之有史也國非
史無以察治忽興亡之故而邑無志又烏足悉民情土俗
之宜哉是以 皇帝御極之初年命纂修一統志非徒
以侈車書之盛正以形勝之奧衍阨塞租庸之多寡輕重
煙戶之盛衰疏密咸有所稽而政理用是以取衷焉況晉
陽自古都會之區亦稱用武之地其間世道隆替政事理
亂人才消長生民苦樂疆圉堅脆風俗淳澆數千百年以
來變易無常沿革莫定苟來無所續則往無以徵而世不
察往往謂志非吏急務抑知吏之急務孰有過於志者

不敏弗能載筆幸案無累牘每當退食之餘時切續貂之
念所患殘篇斷簡不足爲憑適邑明經高子若岐其先世
大參公嘗惓惓於是者也今文孫復紹前徽備錄成編呈
閱則見一方文獻今古犁然採取獨富實修舉者之券印
第志欲謹嚴而無脫落雅馴而無鄙俚詳備而不煩冗史
家所謂簡而該博而當直而不諛是也余知執簡之不易
而文獻無徵終不能釋於懷旁蒐故載近考傳聞取高子
一書而筆削之質諸司鐸校閱諸生僉曰可不數月而成
帙廣舊志十有六卷遂付之梓就中刪繁補漏未敢目爲
完書然一邑之山川人物貢賦屬典要者亟加摭錄他如
太原縣志

卷之一

序

四

名賢祠墓祀典所缺加意搜羅先代古蹟歲月久湮重標
勝概至英偉卓犖之文陽春白雪之句兼收並採不遺玉
屑繼自今來宰是邦一爲披覽庶幾綱舉目張瞭如指掌
有愛養斯民之意者今之民猶古之民也酌古斟今寬繭
絲而勤保障則是志於太原未必無小補云爾雍正九年
歲次辛亥十月朔知太原縣事海寧沈繼賢鶴書氏撰

沿革

古今沿革不同疆域亦異太原爲自古都會之區所隸甚廣至宋太平興國後乃爲屬邑而疆域亦因之隘矣
志沿革

太原爲禹貢冀州之域帝堯始封之地也國曰唐後遷都平陽因以爲有天下之號先是金天氏之裔曰臺駘爲顓頊元冥師實處於此堯在帝位又徙高辛氏之季曰實沉居焉虞別爲并州夏爲冀州書所云旣修太原者是也太原之名始見於此殷因之周成王封母弟虞爲唐侯其子燮改號曰晉因其地有晉水也三家分晉屬趙氏魯定公

太原縣志

卷之一

沿革

五

之十三年晉陽始見於春秋水北曰陽晉陽者晉水之北也亦曰大鹵趙孝成王之二十年爲秦始皇元年秦拔晉陽後分天下爲三十六郡以晉陽爲太原郡仍名晉陽縣漢爲晉陽縣仍爲郡治後兼爲并州治建安十八年州治遷魏黃初元年復州治仍爲晉陽縣晉爲太原國侯相治仍爲并州刺史治北魏爲晉陽縣永熙元年高歡建大丞相府於晉陽北齊河清四年移晉陽縣於汾水東武平六年於故治分置龍山縣隋開皇十年改龍山曰晉陽而以汾東之晉陽爲太原縣晉陽爲郡治又於太原分置陽直縣十六年於古梗陽城置清源縣大業初省清源入晉陽

省陽直入太原十二年徙太原縣入郡城唐武德元年復
析晉陽置清源縣貞觀十一年并州長史李勣築城於汾
水東遂置太原縣於東城武后時長史崔神慶以二城隔
汾乃於其間跨水聯堞合而一之天授元年置北都太原
晉陽並爲赤縣五代唐晉漢皆置北京後周爲北漢都宋
太平興國四年平北漢廢晉陽太原二縣改置平晉縣於
故城東移州治於榆次七年移郡治於陽曲縣南唐明鎮
卽今之省城是也平晉屬焉咸平四年置永利監兼領縣
事熙寧三年省平晉縣入陽曲政和五年復仍屬太原府
金貞祐四年廢興定元年復屬太原府元屬冀寧路明洪
太原縣志

卷之一

沿革

六

太原府
武四年徙縣治於故晉陽城之南關八年改爲太原縣隸

國朝因之東西廣六十五里南北袤六十里東至榆次縣
六堡村三十五里西至陽曲縣大川四十里南至徐溝縣
南吳家堡三十里北至陽曲縣北屯三十里東南至徐溝
縣桃園堡三十五里西南至清源鄉固驛三十里東北至
榆次縣磚井三十五里西北至陽曲縣西義村三十里
顧安武曰薄伐獫狁至於太原毛鄭皆不詳其地其以爲
今太原陽曲縣者始於朱子而愚未敢信也古之言太原
者多矣若此詩則必先求涇陽所在而後太原可得而問